

Na osnovu člana 16. Zakona o upravi („Službeni glasnik Bosne i Hercegovine“, broj: 32/02 i 102/09), člana 7. tačka a) i člana 12. tačka b) Statuta Agencije za razvoj visokog obrazovanja i osiguranje kvaliteta („Službeni glasnik Bosne i Hercegovine“, broj 86/09), člana 48. i 49. Okvirnog zakona o visokom obrazovanju u Bosni i Hercegovini („Službeni glasnik BiH“, broj: 59/07 i 59/09), direktor Agencije za razvoj visokog obrazovanja i osiguranje kvaliteta uz saglasnost Upravnog odbora Agencije sa 20 sjednice, održane 19. novembra 2012. godine, donosi

O D L U K U

O IZMJENAMA I DOPUNAMA ODLUKE O KRITERIJIMA ZA IZBOR DOMAĆIH I MEĐUNARODNIH STRUČNJAKA KOJI DAJU OCJENU I OBAVLJAJU REVIZIJU KVALITETA I DAJU PREPORUKE O AKREDITACIJI VISOKOŠKOLSKIH USTANOVA I STUDIJSKIH PROGRAMA U BOSNI I HERCEGOVINI

Član 1.

(Predmet)

U Odluci o kriterijima za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa u Bosni i Hercegovini („Službeni glasnik Bosne i Hercegovine“, broj 88/99), u članu 1. iza riječi „konkurs“ briše se tačka, stavlja zarez i dodaju riječi:

“sadržaj Liste stručnjaka, obaveze stručnjaka u dostavljanju podataka radi ažuriranja utvrđene Liste stručnjaka, način ažuriranja Liste stručnjaka i prestanak statusa stručnjaka.“

Član 2.

(Način izbora)

Član 7. mijenja se i glasi:

- (1) Izbor domaćih i međunarodnih stručnjaka vrši se putem javnog konkursa.
- (2) Javni konkurs za izbor domaćih i međunarodnih stručnjaka objavljuje se po potrebi, o čemu odlučuje Upravni odbor Agencije, a obavezno svake četiri godine.
- (3) Odluku o raspisivanju javnog konkursa donosi direktor Agencije.
- (4) Javni konkurs se objavljuje u trima visokotiražnim dnevnim novinama čija se distribucija vrši na cijeloj teritoriji Bosne i Hercegovine i veb stranici Agencije.
- (5) Sve do okončanja konkursne procedure i davanja saglasnosti nadležnih obrazovanih organa na utvrđenu Listu stručnjaka, postojeća Lista stručnjaka ostaje važeća.
- (6) Prije raspisivanja javnog konkursa iz stava (2) ovog člana, Agencija dostavlja upit svim stručnjacima koji se nalaze na postojećoj Listi stručnjaka radi njihovog izjašnjavanja o daljem statusu stručnjaka.
- (7) Ukoliko se stručnjaci sa postojeće Liste stručnjaka izjasne da su zainteresovani i saglasni da i dalje zadrže status stručnjaka, oni taj status zadržavaju bez obaveze da učestvuju na javnom konkursu, a ukoliko se izjasne da nisu zainteresovani da i dalje zadrže status stručnjaka, oni ostaju na Listi stručnjaka sve do okončanja procedure javnog konkursa.

Član 3.
(Prijava na konkurs)

U članu 8. stav (1) mijenja se i glasi:

„Rok za prijavu kandidata na javni konkurs je 30 dana od dana objavljivanja u dnevnim novinama. Prijava se podnosi na obrascu koji utvrđuje Agencija i koji čini sastavni dio ove Odluke.“

Član 4.

Iza člana 9. dodaju se novi članovi 9a, 9b, 9c. i 9d, koji glase:

„Član 9a.
(Sadržaj liste)

(1) Lista stručnjaka u zavisnosti od kategorije stručnjaka sadrži podatke za:

- a) predstavnike akademske zajednice: ime i prezime, izbor u zvanje za predmet ili užu naučnu/umjetničku oblast, naziv institucije u kojoj je radno angažovan, iskustvo u obukama i učešću u komisijama za akreditaciju.
- b) Predstavnike privrede i prakse: ime i prezime, stečena kvalifikacija, naziv institucije/radno mjesto, radno iskustvo u relevantnoj oblasti, iskustvo u obukama i učešću u komisijama za akreditaciju.
- c) predstavnike studenata: ime i prezime, ciklus studija, naziv visokoškolske ustanove, naziv studijskog programa, iskustvo u obukama i učešću u komisijama za akreditaciju.
- d) međunarodne stručnjake: ime i prezime, država, naučni stepen doktora nauka iz relevantne oblasti, naziv visokoškolske ustanove u kojoj je radno angažovan, iskustvo u obukama i učešću u komisijama za akreditaciju.

(2) Listu stručnjaka iz stava (1) vodi Agencija u papirnoj i elektronskoj formi uz poštivanje odredbi Zakona o zaštiti ličnih podataka.“

„Član 9b.
(Obaveze stručnjaka)

(1) Stručnjaci su obavezni obavještavati Agenciju o svim promjenama podataka koji su dostavili Agenciji prilikom učešća na konkursu, a koji se odnose na:

- a) napredak u karijeri/izbor u više akademsko zvanje,
- b) prelazak na drugu visokoškolsku ustanovu,
- c) promjenu poslodavca,
- d) novo iskustvo u eksternoj evaluaciji u inostranstvu,
- e) stručnjaci iz kategorije studenti, početkom školske godine dokaz o kontinuiranom studiju ili dokaze o prestanku statusa studenta,
- f) promjenu ličnog imena ili prezimena, adrese, broja telefona i sl.

(2) Obavještavanje Agencije o promjenama podataka iz stava (1), vrši se u roku od 15. dana od dana nastale promjene, pisanim putem, elektronski ili putem pošte. U zavisnosti od vrste podataka, stručnjaci dostavljaju i relevantne dokaze.

- (3) Stručnjaci su obavezni da prisustvuju svim vidovima edukacije koje će organizovati Agencija u saradnji s nadležnim obrazovnim organima.“

„Član 9c.

(Način ažuriranja Liste stručnjaka)

- (1) Agencija kontinuirano vrši ažuriranje Liste stručnjaka.
- (2) U cilju ažuriranja Liste stručnjaka, ukoliko Agencija dođe do saznanja da je došlo do promjene određenih podataka koji čine sadržaj Liste stručnjaka, iste će provjeriti po službenoj dužnosti i u zavisnosti od tačnosti provjerenih podataka izvršiti izmjenu, ispravku, dopunu podataka ili brisanje stručnjaka sa Liste stručnjaka.
- (3) O svakoj promjeni podataka iz sadržaja utvrđene Liste stručnjaka, Agencija odmah obavještava sve nadležne obrazovne organe u Bosni i Hercegovini.“

„Član 9d.

(Prestanak statusa stručnjaka)

Status stručnjaka prestaje:

- a) na njegov lični zahtjev,
- b) prestankom statusa studenta odnosno završetkom ciklusa studija u kojem se prijavio na konkurs
- c) neopravdanim odbijanjem učešća u Komisijama stručnjaka najmanje tri puta uzastopno.“

Član 5.

(Stupanje na snagu i objava)

Ova odluka stupa na sngom danom donošenja i objavljuje se u Službenom glasniku BiH.

Broj: 06-02-1-1105/12

Direktor

Datum: 21.12. 2012. godine

Dr. Husein Nanić

O B R A Z L O Ž E N J E

I PRAVNA OSNOVA ZA DONOŠENJE ODLUKE O IZMJENAMA I DOPUNAMA ODLUKE O KRITERIJIMA ZA IZBOR DOMAĆIH I MEĐUNARODNIH STRUČNJAKA KOJI DAJU OCJENU I OBAVLJAJU REVIZIJU KVALITETA I DAJU PREPORUKE O AKREDITACIJI VISOKOŠKOLSKIH USTANOVA I STUDIJSKIH PROGRAMA

Pravna osnova za donošenje Odluke sadržana je u odredbi članova 48. i 49. Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ broj 59/07 i 59/09). Pored toga, članom 7. i članom 12. Statuta Agencije za razvoj visokog obrazovanja i osiguranje kvaliteta propisano je da Agencija donosi navedenu Odluku uz saglasnost Upravnog odbora Agencije,

II RAZLOZI ZA DONOŠENJE PROPISA I OBRAZLOŽENJE PREDLOŽENIH RJEŠENJA

Razlozi za donošenje Odluke o izmjenama i dopunama Odluke o kriterijima za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa („Službeni glasnik Bosne i Hercegovine“, broj 88/99), temelji se na stvarnim potrebama rada proizašlim iz praktične primjene Odluke, u kom smislu su data pojašnjenja određenih odredbi ove Odluke, te predloženo da se izvrši dopuna Odluke kada se radi o obavezama stručnjaka prema Agenciji, ažuriranju Liste stručnjaka, preciznijeg određivanja sadržaja Liste stručnjaka i prestanku statusa stručnjaka.

U članu 1. Odluke predloženo je da se predmet Odluke prilagodi sadržaju Odluke i da se u tom smislu dodaje da se Odlukom uređuje sadržaj Liste stručnjaka, obaveze stručnjaka u dostavljanju podataka radi ažuriranja Liste stručnjaka, način ažuriranja Liste stručnjaka i prestanak statusa stručnjaka.

U članu 2. predloženo je da se javni konkurs za izbor stručnjaka vrši po potrebi, o čemu odlučuje Upravni odbor, a obavezno svake četiri godine, način objavljivanja javnog konkursa, te je precizirano da postojeća Lista stručnjaka ostaje važeća sve dok se ne okonča konkursna procedura i utvrdi nova Lista stručnjaka. S obzirom da postojeća Lista stručnjaka nema ograničen vremenski period važenja, predloženo je da prije raspisivanja javnog konkursa, Agencija dostavi upit svim stručnjacima koji se nalaze na postojećoj Listi stručnjaka radi njihovog izjašnjenja o daljem statusu, naglašavajući da stručnjaci koji se izjasne da zadržavaju taj status nemaju obavezu da učestvuju na javnom konkursu. Ukoliko bi se desilo da stručnjaci nisu zainteresovani da zadrže taj status, predloženo je da ostanu na Listi stručnjaka sve do okončanja konkursne procedure i utvrđivanja nove Liste stručnjaka.

U članu 3. predložena je izmjena člana 8. stav (1) osnovnog teksta Odluke, te određen rok za prijavu kandidata (stručnjaka) od 30 dana od dana objavljivanja javnog konkursa u dnevnim novinama što je u osnovnom tekstu Odluke određeno u članu 7. čija je izmjena predložena u cijelom tekstu. Naglašeno je da obrazac prijave na javni konkurs čini sastavni dio Odluke.

U članu 4. radi utvrđivanja sadržaja Liste stručnjaka, obaveza stručnjaka prema Agenciji, načina ažuriranja Liste stručnjaka i prestanka statusa stručnjaka, dodata su četiri nova člana.

U članu 9a. predložen je sadržaj Liste stručnjaka s obzirom da se to pokazalo kao nedostatak kod osnovnog teksta Odluke, te je predloženo da Agencija Listu stručnjaka vodi u papirnoj i elektronskoj formi uz poštivanje odredbi Zakona o zaštiti ličnih podataka.

U članu 9b, u cilju ažuriranja Liste stručnjaka, predložene su obaveze stručnjaka da obavještavaju Agenciju o svakoj promjeni podataka koja se odnosi na profesionalne i lične podatke koje su prikazali u obrascu za učešće na javnom konkursu i obaveza stručnjaka da prisustvuju svim vidovima edukacije koje će organizovati Agencija u saradnji sa nadležnim obrazovnim organima u BiH.

U članu 9c. predložen je način ažuriranja Liste stručnjaka, obavještavanje nadležnih obrazovnih organa o svim promjenama u sadržaju Liste stručnjaka, uz ostavljenu mogućnost da Agencija po određenim saznanjima o promjeni podataka po službenoj dužnosti provjeri tačnost podataka.

U članu 9d. predloženo je da status stručnjaka prestaje na lični zahtjev, za stručnjake iz kategorije studenata završetkom ciklusa studija u koji su bili upisani u vrijeme prijavljivanja na javni konkurs i neopravdanim odbijanjem učešća u komisijama tri puta uzastopno.

U članu 5. predloženo je da Odluka stupa na snagu danom donošenja i da se objavljuje u „Službenom glasniku Bosne i Hercegovine“.

III USKLAĐENOST PROPISA SA EVROPSKIM ZAKONODAVSTVOM

Na nivou EU ne postoji zvaničan pravni akt kojim se definiše oblast koja je predmet ovog propisa i sa kojim bi bili u obavezi usklađivati zakonodavstvo u BiH. Međutim, uvažavajući činjenicu da postoje zajednički principi EU o potrebi uspostavljanja sistema osiguranja kvaliteta u visokom obrazovanju kako je i istaknuto u dokumentu Preporuka Vijeća EZ o Evropskoj saradnji u osiguranju kvaliteta, broj 98/561/EC, od 24. 09. 1998, te preporuke o primjeni Standarda i smjernica za osiguranje kvaliteta u evropskom području visokog obrazovanja koji su usvojeni u Bergenu 2005. godine, kako je i naglašeno u dokumentu Evropskog parlamenta i Vijeća EU o budućoj saradnji u osiguranju kvaliteta u visokom obrazovanju, broj 2006/143/EC od 15. 02. 2006. god., kroz odredbe ovog dokumenta iste su uvažene.

IV PROVEDBENI MEHANIZMI I NAČIN OSIGURANJA POŠTIVANJA PROPISA

Provedbeni principi ovog propisa kojim se vrše izmjene i dopune osnovnog teksta propisa, osigurava se u okviru Agencije za razvoj visokog obrazovanja i osiguranje kvaliteta, a kod izbora stručnjaka i utvrđivanja Liste stručnjaka, uz saradnju sa nadležnim obrazovnim organima u BiH.

V FINANSIJSKA SREDSTVA

Za sprovođenje Odluke nisu potrebna dodatna finansijska sredstva.

VI KONSULTACIJE U IZRADI PROPISA

Konsultacije će se obaviti putem objavljivanja nacрта Odluke na web stranici Agencije i dostavljanjem prednacrtu Odluke sa obavještenjem nadležnim obrazovnim organima u BiH.

VII PREISPITIVANJE ODLUKE

Preispitivanju Odluke pristupiće se u zavisnosti od njene primjene u praksi i ocjene Agencije o prijedlogu eventualnih izmjena i dopuna.

**PRIJAVA NA JAVNI KONKURS ZA IZBOR DOMAĆIH I MEĐUNARODNIH
STRUČNJAKA KOJI DAJU OCJENU I OBAVLJAJU REVIZIJU
KVALITETA I DAJU PREPORUKE O AKREDITACIJI VISOKOŠKOLSKIH
USTANOVA**

0. Kategorija stručnjaka na koju se kandidat prijavljuje:

(molimo označite oznakom X jednu ili više kategorija)

	Stručnjak – predstavnik akademske zajednice u BiH
	Stručnjak – predstavnik privrede i prakse
	Student
	Međunarodni stručnjak

1. Lični podaci

Ime i prezime	
Godina, mjesto i država rođenja	
Državljanstvo	
Pol	
Kontakt adresa	
Telefon	
Fax	
E-mail	

2. Podaci o visokom obrazovanju

(unose se samo podaci o obrazovanju koje je dovelo do akademskog stepena, studenti ne ispunjavaju kolonu „godina završetka“, a u kolonu „stručni ili naučni akademski naziv“ označavaju koja su godina studija)

Godina početka	Godina završetka	Naziv institucije (odsjek, fakultet i univerzitet)	Stručni ili naučni akademski naziv (diploma)

3. Podaci o dodatnom usavršavanju, studijskom boravku na visokoškolskim ustanovama, stipendijama ili postdoktorskim programima, te stručnom i profesionalnom usavršavanju

(navesti do pet najznačajnijih oblika dodatnog usavršavanja)

Godina	Trajanje	Opis usavršavanja

4. Znanje stranih jezika

<i>Molimo označite znakom X odgovarajuća polja – engleski jezik je obavezan</i>									
JEZIK	Govor			Čitanje			Pisanje		
	Vrlo dobro	Dobro	Slabo	Vrlo dobro	Dobro	Slabo	Vrlo dobro	Dobro	Slabo
ENGLESKI									

Vrlo dobro: tečno korištenje jezika, gdje se od stručnjaka očekuje da u postupcima akreditacije samostalno koristi jezik, obavlja različitu pismenu korespondenciju (komunikacija, izvještaji, radni papiri, itd.), da aktivno učestvuje na sastancima i diskusijama u vezi akreditacije

Dobro: dobro poznavanje jezika, gdje se od stručnjaka očekuje da prati diskusije vezane za akreditaciju, odnosno da prati sastanke pri čemu smatra odgovarajućim da djeluje na maternjem jeziku, učestvuje u jednostavnijim komunikacijama, komuniciranje putem telefona, da čita i razumije tekstove vezane za akreditaciju i da piše jednostavnije tekstove.

Slabo: slabo ili površno oznavanje jezika, gdje stručnjak razumije i čita jednostavnije tekstove.

5. Poznavanje rada na računaru, te sposobnost rada na elektronskim ili internetskim komunikacionim sistemima

Molimo navedite koje aplikacije redovno koristite, uključujući poznavanje programskih jezika i rad na MO aplikacijama

--

<i>(molimo navedite broj projekata na kojima ste učestvovali i broj projekata koji ste vodili, kao i broj prijavljenih patenata)</i>	Učestvovanje u projektu	Voditelj projekta
Domaći naučno-istraživački projekti		
Međunarodni naučno-istraživački projekti		
Broj prijavljenih patenata		

(molimo navedite podatke o najviše pet ključnih projekata u kojima ste učestvovali ili ih vodili)

Godina	Naziv projekta	Korisnik ili finansijer

8. Članstvo u profesionalnim tijelima, stipendije ili nagrade

(molimo navedite naziv profesionalnih tijela u kojima ste član, članstvo i status u Akademiji nauka i umjetnosti, te stipendije i nagrade koje ste dobili, molimo navedite i godinu stipendije, nagrade ili prijema u članstvo)

--

9. Iskustvo u menadžmentu i reformama visokog obrazovanja

(molimo navedite ukoliko ste obavljali jednu od sljedećih dužnosti)

Dužnost	Godina početka	Godina završetka	Naziv
Šef katedre			
Prodekan			
Dekan			
Direktor visoke škole			
Prorektor			
Rektor			
Broj projekata na reformi visokog obrazovanja u koje ste bili uključeni			

(molimo navedite najviše pet ključnih projekata reforme visokog obrazovanja na kojima ste učestvovali – Tempus projekti i sl., a ukoliko ste bili koordinator Projekta, molimo indicirajte znakom X)

Naziv i oznaka projekta	Broj uključenih institucija	Ukupni budžet	Koordinacija

(molimo navedite ostala iskustva u menadžmentu ili reformama visokog obrazovanja, te članstvo u tijelima koja se bave reformama visokog obrazovanja)

--

10. Iskustvo u obezbjeđivanju kvaliteta u visokom obrazovanju

(molimo navedite svoju uključenost u institucionalni oblik obezbjeđivanja kvaliteta: samoevaluacija, evaluacija, akreditacija)

Godina	Tip akcije	Institucija	Status
			(predsjedavajući, član panela, ocjenjivač i sl.)

(molimo navedite druga iskustva na obezbjeđivanju kvaliteta – projekti (navesti naziv, godinu i status uključenosti), kancelarije ili druga tijela za kvalitet na visokoškolskim ustanovama, radovi, publikacije i sl.)

--

11. Radno iskustvo

Ukupan broj godina radnog iskustva nakon sticanja visoke stručne spreme	
Od toga na rukovodećim pozicijama	

(počevši od Vašeg sadašnjeg ili posljednjeg radnog mjesta, molimo navedite, idući unazad, svako radno mjesto na kojem ste radili)

Godina početka	Godina završetka	Firma ili institucija	Naziv radnog mjesta	Opis

12. Uspjeh na studiju
(popunjavaju samo stručnjaci iz kategorije studenti, za studij koji je u toku)

Prosjeck svih ocjena tokom tekućeg studija	
Jeste li tokom tekućeg studija obavljali neku školsku godinu?	

(za studente I i/ili II ciklusa)

Prosjeck svih ocjena u I ciklusu	
Prosjeck svih ocjena u II ciklusu	

13. Sukob interesa

Molimo navedite visokoškolske ustanove u Bosni i Hercegovini na kojima ste Vi ili uži član Vaše porodice (supružnici, roditelji i djeca) imali angažman po bilo kojem osnovu u prethodne tri godine, što uključuje izvođenje nastave, učestvovanje u zajedničkim naučno-istraživačkim i drugim projektima, te obavljanje bilo koje naplatne djelatnosti za tu visokoškolsku ustanovu:

Naziv ustanove (navesti fakultet i obavezno univerzitet)	Oblik angažmana (navesti i godinu početka i završetka Ugovora)	Lično ili bliži član porodice (navesti koji)

Ovim izjavljujem:

- Da su podaci prezentovani u ovoj Prijavi istiniti.
- Da ću prihvatiti angažman da kao stručnjak budem angažovan u procesu akreditacije svake visokoškolske ustanove za koju budem nominovan, a prema rasporedu koji utvrdi Agencija za razvoj visokog obrazovanja i osiguranje kvaliteta u dogovoru s nadležnim ministarstvom i visokoškolskom ustanovom.
- Da nakon obavljene akreditacije neću prihvatiti angažman na visokoškolskoj ustanovi u čijoj sam akreditaciji učestvovao/la ni po jednom osnovu (izvođenje nastave, učestvovanje u zajedničkim naučno-istraživačkim i drugim projektima, te obavljanje bilo koje naplatne djelatnosti za tu visokoškolsku ustanovu).

(mjesto i datum)

(svojeručni potpis)